



JU KANTONALNA BOLNICA ZENICA

Adresa: Crkvice 67, 72000 Zenica, Bosna i Hercegovina Direktor: 032 447 005
Centrala: 032 447-000 fax: 032 226 576 E-mail: kbzenica@kbze.ba

Identifikacijski broj: 4218136720007

Registровано kod Kantonalnog suda u Zenici Rj.br: U/I 486/98 od 09.04.1999.

Broj: 01-02-6055/20
Zenica, 02.11.2020. godine.

Na osnovu člana 69. i 70. Zakona o javnim nabavkama ("Službeni glasnik BiH" broj 39/14), člana 21. Pravilnika o javnim nabavkama JU Kantonalne bolnice Zenica (broj 20/1-1-17555 od 24.08.2016 godine), direktor Kantonalne bolnice Zenica, donosi

ODLUKU

I

Vrši se odabir ponude ponuđača **Farmavita doo Sarajevo**, kao najpovoljnije za javnu nabavku robe – **Lijek Enoksaparin 40mg i 60mg** za potrebe JU Kantonalna bolnica Zenica, ukupne vrijednosti ponude **55.360,00, KM bez PDV-a**, i dodjeljuje ugovor navedenom ponuđaču.

II

Javna nabavka je provedena putem hitnog pregovaračkog postupka bez objave obavještenja, tender broj: 31-A-72/20, bez objave ex-ante obavještenja o transparentnosti.

III

Sa odabranim ponuđačem iz tačke I ove odluke zaključuje se ugovor na ukupnu vrijednost ponude od **55.360,00 KM, bez PDV-a**, na period do isporuke ugovorenih količina, odmah po obavještanju učesnika u postupku u skladu sa članom 98.st (2) a) ZJNBiH.

IV

Ova odluka stupa na snagu danom donošenja.

Obrazloženje

U skladu sa članom 5. i 8. Pravilnika o uspostavljanju i radu Komisije za nabavke (Službeni glasnik BiH broj: 103/14), Komisija za nabavku robe - **LIJEK ENOKSAPARIN 40MG I 60MG DODATNE ISPORUKE za potrebe JU Kantonalna bolnica Zenica (tender broj: 31-A-72/20)**, imenovana Odlukom direktora broj: 01-02-762-1/20 od 19.10.2020. godine podnosi direktoru JU Kantonalna bolnica Zenica izvještaj o provedenom postupku javne nabavke robe – **LIJEK ENOKSAPARIN 40MG I 60MG DODATNE ISPORUKE za potrebe JU Kantonalna bolnica Zenica (tender broj: 31-A-72/20)**.

Odlukom direktora, broj: 01-02-762/20 od 19.10.2020. pokrenut je postupak javne nabavke robe – **LIJEK ENOKSAPARIN 40MG I 60MG DODATNE ISPORUKE za potrebe JU Kantonalna bolnica Zenica (tender broj: 31-A-72/20)**, ukupne procijenjene vrijednosti **55.400,00 KM bez PDV-a** za zaključivanje ugovora pregovaračkim postupkom **BEZ** objave obavještenja o nabavci, a u skladu sa članom članom 22.stav b) Zakona o javnim nabavkama.

Pregovarački postupak bez objave obavještenja je odabran za korištenje iz sljedećih razloga:

Dana, 16.10.2020.g., pokrenut je postupak javne nabavke lijekova 40 i 60 mg za potrebe JU Kantonalna bolnica Zenica, otvorenim postupkom javne nabavke uz korištenje e-aukcije, ukupne procijenjene vrijednosti nabavke 398.160,00 KM, bez PDV-a i 399.900,00 KM, bez PDV-a, u skladu sa Planom javnih nabavki za 2020.g., tačka I-A-1.

Obzirom da važeći okvirni sporazum (zaključen 07.06.2019.g.) ističe 12.06.2022.g., ukupna vrijednost okvirnog sporazuma iznosi 554.110,00 KM, na trogodišnjem nivou bez PDV-a, da je trenutna realizacija okvirnog sporazuma na dan 16.10.2020.g., 540.00.00 KM, bez PDV-a, a zbog izuzetnog povećanja potrošnje u zadnja tri mjeseca uslijed nepredviđenih okolnosti bi moglo dovesti do značajnih poteškoća u liječenju COVID-19 pacijenata i ostalih pacijenata Bolnice navedenim lijekom, te ugrožavanja života i zdravlja istih, potrebno je obezbijediti zakonito snabdjevanje Bolnice lijekom enoksaparin 40mg i 60mg, a prije završetka redovne tenderske procedure otvorenim postupkom. Ukupna vrijednost osnovnog ugovora-okirnog sporazuma iznosi 554.110,00 KM, bez PDV-a, a procijenjena vrijednosti dodatnih isporuka kao zamjena za redovne isporuke je 55.400,00 KM, bez PDV-a, što bi trebalo biti dovoljna sredstva do očekivanog završetka redovne tenderske procedure.

Obzirom da su količine navedenog lijeka prema važećem okvirnom sporazumu skoro realizovane, da je Bolnička apoteka uputila zahtjev za pokretanje procedure pregovaračkog postupka nabavke lijekova za gore navedene lijekove, broj:30-11-386/20 od 15.10.2020.g., a da postoji hitna potreba nabavke navedenog lijeka zbog kontinuiranog liječenja COVID-19 i teških pacijenata u Bolnici i da ne postoji niti jedna druga zakonska mogućnost za nabavku navedenog lijeka, smatramo da su ispunjeni uslovi za provođenje hitne nabavke navedenih lijekova putem pregovaračkog postupka bez objave obavještenja, za predviđene količine.

Članom 21. stav (1), Zakona o javnim nabavkama propisano je da Ugovorni organi mogu izuzetno ugovore o nabavci dodjeljivati putem pregovaračkog postupka bez objave obavještenja o nabavci u slijedećim slučajevima:

- kada nijedna ponuda ili nijedna prihvatljiva ponuda nije dostavljena u otvorenom ili ograničenom postupku i kada uslovi za ugovor nisu bitno promijenjeni u odnosu na uslove iz predhodnog postupka,
- kada se iz suštinskih, dokazivih tehničkih ili umjetničkih razloga, ili iz razloga koji se odnose na zaštitu ekskluzivnih prava, ugovor može dodijeliti samo određenom dobavljaču,
- kada izuzetno, zbog dokazivih razloga krajnje hitnosti, prouzrokovane događajima nepredvidivim za ugovorni organ, ne mogu ispoštovati ovim zakonom utvrđeni minimalni rokovi za otvoreni, ograničeni ili pregovarački postupak sa objavom obavještenja. Okolnosti kojima se opravdava izuzetna hitnost postupka ni u kojem slučaju ne smiju se dovesti u vezu s ugovornim organom.

Obzirom da je članom 22.stav b) ZJN BiH, predviđeno da ugovorni organ u navedenoj situaciji može provesti pregovarački postupak sa postojećim dobavljačem Farmavita doo Sarajevo i dodijeliti ugovor navedenom ponuđaču ukoliko ukupna vrijednost ugovora dodijeljenih za dodatne isporuke kao zamjena za redovne isporuke ne prelazi 10% od vrijednosti osnovnog ugovora i da je kraći od jedne godine dana. Obzirom da su ispunjeni svi uslovi za provođenja hitnog pregovaračkog postupka bez objave obavještenja sa jednim ponuđačem, i da je vrijednost dodatnih isporuka manja od naprijed navedenog zakonskog ograničenja kao i predviđeno trajanje istog, smatramo da su ispunjeni uslovi za provođenje hitnog pregovaračkog postupka sa ponuđačem Farmavita doo Sarajevo pod uslovima koji su važili u osnovnom ugovoru-okvirnom sporazumu.

Na osnovu člana 28. st. (4) ZJN, u cilju transparentnog postupanja, ugovorni organ će na svojoj internetskoj stranici objaviti informacije o pregovaračkom postupku bez objave obavještenja o predmetnoj nabavci, na način da će objaviti tendersku dokumentaciju i istu učiniti dostupnom za sve druge zainteresirane kandidate/ponuđače, te iste pozvati za učešće u postupku.

Poziv za učešće u predmetnoj javnoj nabavci poslan je ponuđaču dana 20.10.2020. godine sa rokom za prijem zahtjeva za učešće do 23.10.2020.godine (petak) do 10,00 sati i otvaranjem ponuda/zahtjeva za učešće zakazanim za dan 23.10.2020.godine u 10,10 sati.

Nakon isteka roka za dostavljanje zahtjeva za učešće, Komisija za nabavke je u 10,15 sati pristupila realizaciji I faze nadmetanja odnosno predkvalifikacije tj. analizi dokumentacije priložene uz zahtjev za učešće u smislu provjere njihove validnosti obzirom na iskazane kvalifikacione zahtjeve ugovornog organa u tenderskoj dokumentaciji, a u skladu sa procedurama i pravilima utvrđenim tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

Komisija konstatuje da zahtjev za učešće/ponudu dostavio je jedini pozvani kandidat:

„Farmavita“ d.o.o. Sarajevo

USLOVI ZA KVALIFIKACIJU I POTREBNI DOKAZI

Komisija je tražila dostavu sljedećih dokumenata kako bi kandidati dokazali svoju kvalificiranost:

1.1. Lična sposobnost kandidata (član 45.Zakona o javnim nabavkama BiH)

U svrhu dokazivanja lične sposobnosti kandidat je dužan dokazati da:

- u krivičnom postupku nije osuđen pravosnažnom presudom za krivično djelo organiziranog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- je ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu s važećim propisima u Bosni i Hercegovini ili propisima zemlje u kojoj je registrovan;
- je ispunio obaveze u vezi s plaćanjem direktnih i indirektnih poreza u skladu s važećim propisima u Bosni i Hercegovini ili zemlji u kojoj je registrovan.

U svhu dokazivanja kvalifikovanosti iz tačke 6.1. kandidat je dužan dostaviti Izjavu o ispunjenosti uslova iz člana 45. stav (1) tačka a) do d) Zakona o javnim nabavkama BiH Aneks 2 (u prilogu ove TD), ovjerenu kod nadležnog organa.

Ukoliko kandidat bude odabran kao najpovoljniji ponudjač, dužan je dostaviti original ili ovjerene kopije dokumenata navedenih u svrhu dokazivanja činjenica datih u Izjavi, i to:

- izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan
- izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje
- potvrde nadležne/ih institucija o uredno izmirenim obavezama po osnovu direktnih i indirektnih poreza.

Izjava ne smije biti starija od 15 /petnaest/dana od dana predaje ponude.

Original ili ovjerene kopije dokumenata ne mogu biti stariji od tri (3) mjeseca, računajući od momenta predaje ponude i moraju sadržavati potvrdu da je u momentu predaje ponude kandidat ispunjavao sve uslove koji se traže TD,u protivnom će se smatrati da je kandidat dao lažnu izjavu iz člana 45. Zakona o javnim nabavkama BiH .Dokaze je izabrani ponudjač dužan dostaviti na adresu ugovornog organa u roku od 5 (pet) dana od dana zaprimanja obavještenja o dodjeli ugovora.

Kao dokaz o ispunjavanju uslova iz tačke 6. 1. pod c) i d), ugovorni organ prihvata i sporazum kandidata sa nadležnim poreskim institucijama o reprogramiranom, odnosno odloženom plaćanju obaveza, uz dostavljanje potvrde od strane poreskih organa da kandidat u predviđenoj dinamici izmiruje svoje reprogramirane obaveze.

Ukoliko ugovorni organ bude imao sumnje u postojanje okolnosti vezanih za ličnu sposobnost kandidata, ugovorni organ će se obratiti nadležnim organima s ciljem provjere dostavljene dokumentacije iz tačke 6.1 i Izjave iz tačke 6. TD.

Ugovorni organ će odbiti zahtjev za učešće ukoliko utvrdi da je ponudjač bio kriv za težak profesionalni propust počinjen tokom perioda od tri godine prije početka predmetnog postupka, koji ugovorni organ može dokazati na bilo koji način, posebno značajni i /ili nedostaci koji se ponavljaju u izvršenju bitnih zahtjeva ugovora koji su doveli do njegovog prijevremenog raskida, nastanka štete ili drugih sličnih posljedica zbog namjere ili nemara privrednog subjekta određene težine.

6.2. Tehnička i profesionalna sposobnost (član 46. Zakona o javnim nabavkama BiH)

Sposobnost obavljanja profesionalne djelatnosti

Ponudjač je dužan u svrhu dokazivanja **profesionalne djelatnosti** dokazati da je:

- a) registrovan u odgovarajućim profesionalnim ili drugim registrima u zemlji u kojoj su osnovali firmu za obavljanje djelatnosti koja je predmet ove nabavke u vrijeme predaje ponude.
- b) upisan u registar veletrgovaca prometa lijekova kod Agencije za lijekove i medicinska sredstva BiH

U svrhu dokazivanja uslova obavljanja profesionalne djelatnosti, ponuđač je dužan dostaviti:

- a) **aktuelni izvod** iz sudskog registra ili izjavu ili potvrdu nadležnog organa iz koje se vidi da je ponuđač registrovan za obavljanje djelatnosti koja je predmet ove nabavke u vrijeme predaje ponude,
- b) **rješenje o upisu** u registar veletrgovaca prometa lijekova kod Agencije za lijekove i medicinska sredstva BiH

Dokazi pod a) dostavljaju kao ovjerena kopija originala s tim da datum izdavanja originala (samo za uslov pod a) ne može biti stariji od tri mjeseca računajući od dana dostavljanja ponude.

U svrhu dokazivanja uslova iz tačke b) ponuđač je dostaviti važeću dozvolu za promet lijekovima na teritoriji Bosne i Hercegovine koju je izdala Agencija za lijekove i medicinska sredstva BiH. Dokazi se dostavljaju kao obične kopije.

Ukoliko ponudu dostavlja grupa ponuđača, svi članovi grupe zajedno moraju biti registrovani za obavljanje djelatnosti koja je predmet nabavke ili za dio predmeta nabavke.

Ponuđač je dužan u svrhu dokazivanja **tehničke i profesionalne sposobnosti** dokazati da:

- a) da su lijekovi koje nudi registrovani kod Agencije za lijekove i medicinska sredstva BiH.
- b) da ponudjeni lijekovi posjeduju odgovarajuće uvjerenje ili certifikate o kvalitetu izdato od strane organa ovlaštenog za verifikaciju proizvođača (samo ukoliko lijekova traženih javnom nabavkom nema upisanih u registru sredstava kod Agencije za lijekove i medicinska sredstva BiH)

U svrhu dokazivanja uslova iz tačke a) ponuđač je dužan dostaviti obične kopije važećeg dokumenata-rješenja Agencije za lijekove i medicinska sredstva BiH o upisu medicinskih sredstava u Registar lijekova i medicinskih sredstava u Bosni i Hercegovini.

U svrhu dokazivanja uslova iz tačke b) ponuđač je dužan dostaviti:

- CPP certifikat za ponuđeni lijek,
- CoA certifikat za kvalitet supstance,
- GMP dokaz o dobroj proizvodnoj praksi,
- Izjava ponuđača da će uz isporuku lijeka dostaviti ovjerenu kopiju saglasnosti za uvoz lijeka izdatog od strane Agencije za lijekove i medicinska sredstva BiH (originalan dokument).

NAPOMENA: Primjena uslova za dokazivanja tehničke sposobnosti kandidata pod b), i dokaza traženih za ispunjavanje navedenog uslova primjenjuje se samo ukoliko ne bude ponuđenih medicinskih sredstava-lijekova upisanih u registar kod Agencije za lijekove i medicinska sredstva BiH, a prema aktu navedene Agencije od 21.01.2016.g. Za ponuđače koji ponude medicinsko sredstvo-lijek upisan u registar kod Agencije za lijekove i medicinska sredstva BiH, ne traži se ispunjavanje uslova i dokaza pod b). Ponuđena medicinska sredstva-lijekovi koja nisu registrovana od strane Agencije za lijekove i medicinska sredstva smatrat će se prihvatljivim samo ukoliko na tržištu BiH nema registrovanih medicinskih sredstava istog generičkog sastava i ukoliko ista ne budu ponuđena. Neregistrovana medicinska sredstva-lijekovi će se nabavljati po proceduri i uvjetima utvrđenim Pravilnikom o uslovima za uvoz lijekova i medicinskih sredstava koji nemaju dozvolu za stavljanje u promet u BiH (Službeni glasnik BiH broj 23/11).

Ukoliko ponudu dostavlja grupa ponuđača, svi članovi grupe dostavljaju zajedno dokaze u smislu ispunjavanja uslova.

6.3. Ostali uslovi za kvalifikaciju

Izjave i dokumenti o uslovima za isporuku robe

Obezbjedenje uslova za isporuku robe kandidat dokazuje na osnovu slijedećih dokumenata:

- Izjava ponuđača o nepromjenljivosti cijene iz ponude za sve vrijeme trajanja ugovora,
- Izjava ponuđača o prihvatanju roku isporuke u skladu sa tačkom 5. TD,
- Izjava ponuđača o prihvatanju mjesta isporuke u skladu sa tačkom 4. TD,
- Izjava ponuđača o prihvatanju važenje ponude u trajanju od 120 /stodvadeset/dana
- Izjava ponuđača o prihvatanju načina plaćanja u roku od 60 /šezdeset/ dana bezavansno

7. Sukob interesa /korupcija

U skladu sa članom 52. stav (2) Zakona o javnim nabavkama kandidat je dužan u zahtjevu za učešće dostaviti i posebnu pismenu izjavu da nije nudio mito niti učestvovao u bilo kakvim radnjama koje za cilj imaju korupciju u predmetnoj javnoj nabavci.

Ukoliko kandidat ne dostavi izjavu ili je ne dostavi na način tražen u TD, zahtjev za učešće će biti odbačen kao nedopušten.

Obrazac navedene izjave je dat u prilogu TD i predstavlja sastavni dio ove TD.

8. PODACI O ZAHTJEVU ZA UČEŠĆE

8.1. Sadržaj zahtjeva za učešće i način pripreme zahtjeva za učešće

Kandidati su obavezni da pripreme zahtjeve za učešće u skladu sa uslovima koji su utvrđeni u ovoj TD. Zahtjevi za učešće koji nisu u skladu sa ovom TD će biti odbačeni kao neprihvatljivi, sve u skladu sa članom 68. Zakona o javnim nabavkama. Kandidati ne smiju mijenjati ili nadopunjavati tekst TD.

Kandidati snose sve troškove nastale na ime pripreme i dostavljanja njihovih zahtjeva za učešće. Ugovorni organ ne snosi nikakve troškove kandidatu.

Zahtjev za učešće se izrađuje na način da čini cjelinu. Ako zbog obima ili drugih objektivnih okolnosti zahtjev za učešće ne može biti izrađen na način da čini cjelinu, onda se izrađuje u dva ili više dijelova.

Zahtjev za učešće se čvrsto uvezuje na način da se onemoguću naknadno vađenje ili umetanje listova.

Stranice zahtjeva za učešće se označavaju brojem na način da je vidljiv redni broj stranice.

Zahtjev za učešće neće biti odbačen ukoliko su listovi zahtjeva za učešće numerisani na način da je obezbijeđen kontinuitet numerisanja.

Zahtjev za učešće mora sadržavati izjave i dokumente tražene ovom TD, i to:

- *Zahtjev za učešće na Obrascu Prilog 1;*
- Popis dokumentacije priložene uz ponudu
- Izjavu o ispunjenosti uslova iz člana 45. stav (1) tačka a) do d) Zakona o javnim nabavkama BiH (Prilog broj 2), ovjerenu kod nadležnog organa ,
- Dokumente i izjave iz tačke 6. Tenderske dokumentacije (saglasno čl. 45., 46., Zakona o javnim nabavkama BiH) - u skladu sa TD,
- Izjava o ne davanju mita i ne učestvovanju u radnjama koje za cilj imaju korupciju u predmetnoj javnoj nabavci (čl.52. Zakona o javnim nabavkama) (Prilog broj 3 TD), ovjerenu kod nadležnog organa;
- Obrazac povjerljivih informacija, Prilog broj 4.TD,
- Izjave kandidata iz tačke 6.3. Tenderske dokumentacije
- Ukoliko Zahtjev za učešće/ponude, umjesto lica upisanog u sudski registar, potpisuje ovlašteno lice, potrebno je uz Zahtjev za učešće, dostaviti i Original ili ovjerenu fotokopiju punomoći lica ovlaštenog za potpisivanje Zahtjeva za učešće/ponuda.

Komisija koja provodi predmetnu javnu nabavku utvrdila je da je ponuđač „Farmavita“ d.o.o. Sarajevo dostavio sljedeća tražena dokumenta:

- Obrazac za dostavljanje zahtjeva za učešće, Prilog broj 1, popunjen, potpisan i ovjeren od strane ovlaštene osobe
- Obrazac izjave o ispunjenosti uslova iz člana 45. stav (1) tačka a) do d) Zakona o javnim nabavkama BiH, Prilog broj 2, popunjen, potpisan i ovjeren od strane ovlaštene osobe, ovjeren od strane nadležnog organa 20.10.2020.
- Uvjerenje Suda BiH da protiv ponuđača nije izrečena pravosnažna osuđujuća presuda za krivična djela organizovanog kriminala, korupciju, korupciju i pranje novca pred Sudom BiH broj 03-6237/20 od 20.08.2020., ovjeren od strane nadležnog organa 31.08.2020. godine;
- Uvjerenje Općinskog Suda u Sarajevu o činjenicama iz službene evidencije da protiv ponuđača nije izrečena pravosnažna presuda broj 65 0 Kr 0010633 20 od 20.08.2020., ovjeren od strane nadležnog organa 24.08.2020. godine;
- Uvjerenje Općinskog Suda u Sarajevu o činjenicama iz službene evidencije da ponuđač nije pod stečajem niti je predmet stečajnog postupka broj 065-0-R-20-001721 od 19.08.2020., ovjeren od strane nadležnog organa 24.08.2020. godine;
- Uvjerenje Porezne uprave F BiH - Kantonalni porezni ured Sarajevo, da ponuđač nema duga po osnovu javnih prihoda broj: 13-9/6-12-5-3014/20. od 20.08.2020. godine, kopija ovjerena 27.08.2020. god. kod nadležnog organa
- Uvjerenje UIO Regionalni centar Sarajevo, da ponuđač nema neizmirenih obaveza po osnovu indirektnih poreza broj: 02/6/IL-16-11-20-6325-1/20 od 21.08.2020. godine, kopija ovjerena 31.08.2020. god. kod nadležnog organa
- Aktuelni izvod iz sudskog registra, Općinskog suda u Sarajevu, broj: 065-0-RegZ-20-006012 od 19.08.2020. godine, ovjeren od strane nadležnog organa dana 24.08.2020. godine,
- Rješenje od Agencije za lijekove i medicinska sredstva BiH kojim ponuđač ispunjava uvjete za obavljanje djelatnosti prometa medicinskih sredstava na veliko, broj 10-07.12-5-12505-2/19 od 17.02.2020. godine, ovjeren od strane nadležnog organa 21.0.2020. godine;
- Rješenje Agencije za lijekove i medicinska sredstva, broj: 04-07.3-2-10764/19 od 03.06.2020. g. o stavljanju medicinskog sredsta u promet, kopija ovjerene i potpisana od strane ovlaštenog lica;
- Rješenje Agencije za lijekove i medicinska sredstva, broj: 04-07.3-2-10766/19 od 03.06.2020. g. o stavljanju medicinskog sredsta u promet, kopija ovjerene i potpisana od strane ovlaštenog lica;
- Izjava iz člana 52 Zakona o javnim nabavkama, Prilog broj 3, ovjerena kod nadležnog organa 20.10.2020;
- Obrazac povjerljive informacije, Prilog broj 4; potpisan i ovjeren od strane ovlaštene osobe,
- Izjave ponuđača o nepromjenjivosti cijena za vrijeme trajanja ugovora, potpisana i ovjerena od strane ovlaštenog lica;
- Izjave ponuđača o roku isporuke robe, potpisana i ovjerena od strane ovlaštenog lica;
- Izjave ponuđača o mjestu isporuke robe, potpisana i ovjerena od strane ovlaštenog lica;
- Izjave ponuđača o roku važenja ponude, potpisana i ovjerena od strane ovlaštenog lica;
- Izjave ponuđača o roku plaćanja, potpisana i ovjerena od strane ovlaštenog lica;
- Izjave ponuđača o dostavi uzoraka medicinskih sredstava, potpisana i ovjerena od strane ovlaštenog lica;
- Ovlaštenje na ime Hadžić Maja, potpisano i ovjeren od strane ovlaštenog lica;

Komisija pristupa analizi i procjeni kvalifikacija kandidata „**Farmavita“ d.o.o. Sarajevo** i konstatuje da je kandidat dokazao svoju kvalificiranost, jer je utvrđeno da je zahtjev za učešće uvezan na način utvrđen T.D., da je ponudjač dostavio sve dokumente, obrasce i izjave tražene tačkom 5. TD o ispunjavanju kvalifikacionih uslova traženih u pogledu lične, profesionalne i tehničke sposobnosti ponudjača, kao i u pogledu uslova isporuke.

Komisija jednoglasno donosi odluku da se direktoru JU Kantonalna bolnica Zenica predloži donošenje odluke o utvrđivanju kvalificiranosti kandidata „Farmavita“ d.o.o. Sarajevo te upućivanju zahtjeva za dostavu Inicijalne ponude za nabavku roba: LIJEK ENOKSAPARIN 40MG I 60MG DODATNE ISPORUKE—za potrebe JU Kantonalna bolnica Zenica.

II Uvidom u Inicijalnu ponudu, uslove propisane TD i suštinskom provjerom sadržaja i validnosti dokumentacije, Komisija je utvrdila da je ponuđač uz Inicijalnu ponudu dostavio sljedeća tražena dokumenta:

- 1) Naslovna strana sa osnovnim podacima o ponuđaču;
- 2) Obrazac za dostavljanje inicijalne, potpisan i ovjeren od strane ovlaštenog lica – **Prilog 1**
- 3) Obrazac za cijenu inicijalne ponude, potpisan i ovjeren od strane ovlaštenog lica, – **Prilog 2**
- 4) Obrazac izjava dobavljača o prihvatanju garancije za dobro izvršenje ugovora, potpisan i ovjeren od strane ovlaštenog lica, – **Prilog 3**
- 5) Parafiran i potpisan nacrt ugovora **Prilog 4**
- 6) Izjava o prihvatanju općih i posebnih uslova tenderske dokumentacije, potpisana i ovjerena od strane ovlaštenog lica, - **Prilog 5**

Komisija za nabavku je uvidom u Obrazac za cijenu Inicijalne ponude utvrdila da je ponudena cijena ukupno **55.360,00 KM** bez PDV-a. bez PDV-a.

Komisija je utvrdila da je ponudjač dostavio sva tražena dokumenta te da se može pristupiti pregovorima sa istim. Pregovori će se obaviti odmah nakon završetka ocjene Inicijalne ponude.

Predmet pregovora je cijena, te mogućnost davanja popusta ili rabata.

Pozvan je predstavnik ponuđača da se očituje u pogledu davanja popusta ili rabata u odnosu na ponudenu cijenu u Inicijalnoj ponudi.

Ponuđač je u vezi Inicijalne ponude izjavio sljedeće: **Ostajemo pri cijeni datoj u Inicijalnoj ponudi. Eventualne popuste ćemo iskazati u**

Sastanak završen 29.10.2020. u 12.15 sati.

Komisija je nakon pregovora obavijestila ponudjača da će biti pozvan da dostavi svoju konačnu ponudu isti dan **30.10.2020. u od. do 12,00** sati na bazi uvjeta koji su razmotreni na pregovorima.

IV Uvidom u Konačnu ponudu, uslove tražene Pozivom i suštinskom provjerom sadržaja i validnosti dokumentacije, Komisija je utvrdila da je ponuđač uz Konačnu ponudu dostavio sljedeća tražena dokumenta:

- Obrazac za dostavljanje konačne ponude-Prilog 1
- Obrazac za cijenu konačne ponude- Prilog 2

Komisija za nabavku je uvidom u Obrazac za cijenu Konačne ponude kandidata LIJEK ENOKSAPARIN 40MG I 60MG DODATNE ISPORUKE u JU KB Zenica, utvrdila da je ponuđena cijena je 55.360,00 KM bez PDV-a.

Komisija je utvrdila da je ponudjač „Farmavita“ d.o.o. Sarajevo, dostavio sva tražena dokumenta, da je Konačna ponuda zadovoljila kriterije za zaključivanje ugovora.

Komisija jednoglasno donosi preporuku da se Direktor JU Kantonalna bolnica Zenica predloži donošenje odluke o izboru ponudjača „Farmavita“ d.o.o. Sarajevo kao najpovoljnijeg i jedinog ponudjača za nabavku roba: LIJEK ENOKSAPARIN 40MG I 60MG DODATNE ISPORUKE u JU KB Zenica (31-A-72/20) na iznos ponuđene cijene od 55.360,00 KM bez PDV-a, te zaključivanje ugovora sa odabranim ponuđačem.

Na osnovu gore navedenog, donesena je odluka kao u dispozitivu.

Pouka o pravnom lijeku;

Protiv ove odluke može se uložiti žalba
Kantonalnoj bolnici Zenica u roku od 10 (deset) dana
od dana prijema iste.



Direktor

Prof.dr.sc prim Rasim Skomorac

